

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

陳

江令君

第八十八冊

1.88

卷之八

武

今

案

集

江令君集

江令君集題詞

後主狎客江總持居首國亡主辱竟
逃明刑開府隋朝眉壽無恙春秋惡
佞人有厚福若是者哉自敘官陳以
來流俗怨憎群小威福摧黜繇命識
者笑其言迹垂謬及考之史書後庭

荒宴罪薄五鬼自矜澹漠豈猶任質
之談耶六宮謝章美人應令艷歌側
篇傳誦禁庭餘則山寺窮碑法師龕
石標記禪悅寂不聞有廟堂典議關
其筆札所謂韋彪樞機李固斗極其
晏居則何如也序云未嘗逢迎一物

干預一事又云暮齒官陳與攝山布
上人遊欸深悟苦空更復練戒文人
高致或足貶俗其如社稷何後主卽
不道非有商辛之惡也總持卽不肖
罪不若飛廉惡來也文昌政本與時
低昂朝宴夜遊太康無傲卽其恬澹

亡國有餘矣齊梁以來華虛成風士
大夫輕君臣而工文墨高談法王脫
略名節雞足鶯頭適爲朝秦暮楚者
地耳梁有江總隋有裴矩後唐有馮
道三人皆醜婦所羞也

婁東張溥題

江令君集目錄

賦

修心賦

有序

辭行李賦

雲堂賦

貞女峽賦

勞酒賦

山水納袍賦

有引

華貂賦

有引

瑪瑙盃賦

南越木槿賦

詔

舉士詔

表

讓尚書令表

讓尚書僕射表

讓吏部尚書表

爲沈君理讓僕射領吏部表

爲衡陽王讓吳郡表

爲蕭太保謝儀同表

謝勅給鼓吹表

爲陳六宮謝表

章

爲陳六宮謝章

啓

上毛龜啓

除尚書令斷表後啓

除尚書令謝臺啓

謝宮爲製讓表啓

除太子詹事謝東宮啓

序

自序

陶貞白先生集序

碑

皇太子太學講碑

吳興郡廬陵王德政碑

攝山棲霞寺碑

大莊嚴寺碑

建初寺瓊法師碑

明慶寺尚禪師碑銘

卷二

贊

香贊

花贊

燈贊

幡贊

頌

莊周頌

銘

永陽王齋後山池銘

芳林園天淵池銘

有序

玄圃石室銘

方鏡銘

有引

鐘銘

二首

優填像銘

哀策文

陳宣帝哀策文

誄

梁故度支尚書陸君誄

墓誌銘

廣州刺史歐陽頎墓誌

特進光祿大夫徐孝穆墓銘

司農陳暄墓銘

中領軍魯廣達墓銘

侍中沈欽墓誌

文

羣臣請陳武帝議文

樂府

雉子班

隴頭水二首

折楊柳

關山月

洛陽道二首

長安道

梅花落二首

紫騮馬

驄馬驅

雨雪曲

劉生

病婦行

置酒高殿上

今日樂相樂

簫史曲

詠燕燕于飛應詔

濟黃河

橫吹曲

怨詩二首

烏棲曲

東飛伯勞歌

雜曲三首

梅花落

宛轉歌

閨怨篇

又

姬人怨

姬人怨服散篇

長相思二首

詩

秋日侍宴婁苑湖應詔

侍宴玄武觀

宴樂修堂應令

三日侍宴宣猷堂曲水

秋日遊昆明池

秋日登廣州城南樓

贈洗馬袁朗別

詒孔中丞奐

贈賀左丞蕭舍人

遇長安使寄裴尚書

別南海賓化侯

庚寅年二月十二日遊虎邱山精舍

入龍邱巖精舍

明慶寺

入攝山棲霞寺

有序

遊攝山棲霞寺

有序

攝山棲霞寺山房夜坐簡徐祭酒周尚

書并同遊羣彥

靜臥棲霞寺房望徐祭酒

營涅槃懺還塗作

有序

至德二年十一月十二日升德施山齋

三宿決定罪福懺悔詩

詠採甘露應詔

借陸太常說文

賦得一日成三賦應令

攝官梁小廟

卞山楚廟

山庭春日

七夕

南還尋草市宅

和張記室源傷往

在陳旦解醒共哭顧舍人

侍宴臨芳殿

侍宴瑤泉殿

別袁昌州二首

經始興廣果寺題愷法師山房

和衡陽殿下高樓看妓

賦得空閨怨

并州羊腸坂

歲暮還宅

春夜山庭

夏日還山庭

賦得謁帝承明廬

賦得攜手上河梁應詔

賦得汎汎水中鳧

賦得三五明月滿

衡州九日

賦詠得琴

詠雙闕

三善殿夜望山燈

奉和東宮經故妃舊殿

同庾信答林法師

詠李

詠蟬

答王筠早朝守建陽門開

侍宴賦得起坐彈鳴琴

別永興侯

春日

於長安歸還揚州九月九日行薇山亭

賦韻

哭魯廣達

秋日新寵美人應令

新入姬人應令

內殿賦新詩

附錄

本傳

江令君集目錄終

江令君集

目錄

江令君集卷一

陳濟南江 總著

明太倉張 溥閱

賦

修心賦有序

太清四年秋七月，避地於會稽龍華寺。此伽藍者，余六世祖宋尚書右僕射州陵侯元嘉二十四年之所構也。侯之王父晉護軍將軍彪，昔蒞此邦，卜居山陰都陽里，貽厥子孫，有終焉之志。

寺域則宅之舊基左江右湖面山背壑東西陵
跨南北紆縈聊與苦節名僧同銷日月曉修經
戒夕覽圖書寢處風雲馮棲水月不意華戎莫
辨朝市傾淪以此傷情情可知矣啜泣濡翰豈
攄鬱結庶後生君子憫余此槩焉

嘉南斗之分次肇東越之靈秘表檜風於韓什
著鎮山於周記蘊大禹之金書鐫暴秦之石字
太史來而探穴鍾離去而開筭信竹箭之爲珍
何砒砭之罕值奉盛德之鴻祀寓安禪之古寺

寔豫章之舊圃，成黃金之勝地。遂寂默之幽心，
若鏡中而遠象。面曾阜之超忽，邇平湖之迥深。
山條偃蹇，水葉侵淫。挂猿朝落，饑鼯夜唼。果叢
藥苑，桃蹊橘林。梢雲拂日，結暗生陰。保自然之
雅趣，鄙人間之荒雜。望島嶼之邐迤，面江源之
重沓。汎流月之夜廻，曳光煙之曉匝。風引蜩而
嘶噪，雨鳴林而條颯。鳥稍狎而知來，雲無情而
自合。爾乃埜開靈塔，地築禪居。喜園迢遞，樂樹
扶疎。經行藉草，宴坐臨渠。持戒振錫，度影甘蔬。

堅固之林可踰，寂滅之場斃如。異曲終而悲起，
非木落而愁始。豈降志而辱身，不露才而揚已。
鍾風雨之掩藹，倦雞鳴之聒耳。幸避地而高棲，
馮調御之遺旨。折四辨之微言，悟三乘之妙理。
遣十纏之繫縛，祛五惑之塵滓。久遺榮於勢利，
庶忘累於妻子。感意氣於疇昔，寄知音於來祀。
何遠客之可悲，私自憐其何已。

辭行李賦

維大梁三十有六載，神功懋乎開闢。垂恩儲社

壓子代之盤盂盛德形容陋周年之弁石月窟
向風日域仰澤要荒款塞諸戎重譯輶軒巡履
聲芳亥步旌節經過事高禹跡舉皇華之盡美
馳珥玉之多事或江夏之無雙匹洛陽之才子
訪羽儀於廊廟旌秀異於杞梓引強學之三端
賞彫文於四始顧億仞於罕志奉朝章於信次
天鳳舉而張旃濟龍沙而通賁敏異季札之聽
歌譽乘屬國之銜使懷蘇子之抵掌憶千秋之
畫地願自勵而飲冰揆無庸而按轡嗟負恩之

無力，每若寘於藂棘，倏辭東平之樂，善再踐承明而游息，豈異千里之奔蹏，甯辭一錢之不直，諒無期於鴻漸，念有似於蟬翼，荷德澤之霈然，鑒丹愚之匪飾，慙借譽於瑟柱，免長徭於葱極，聊暇日以須臾，每長吟以鬱紆，異金石之能固，若草木之分區，進學慙於枝葉，綿力謝於康衢，構伯休之蓬戶，狎仲憲之桑樞，徒悅水而非智，庶因谷以爲愚，耻矯名於周客，甯濫響於齊竽，奉棲遲以偃仰，願太素之不污。

雲堂賦

覽黃圖之棟宇，規紫宸於太清。何面勢之膠葛，
信不日之經營。仰一時之壯麗，跨萬古之威靈。
吐觸石之奇色，混高臺之舊名。若乃三階八戶，
百拱千楹。瑩以玉琇，飾以金英。綠芰懸棟，紅藻
倒生。於時木葉聲寒，壺人唱靜。承露擎虛，相風
照迥。天子乃下輦開宴，出豫娛神。文縣日月，愿
華風塵。寔附鳳之多幸，愧屠龍之不真。

貞女峽賦

倦辛苦於嶺表，遂沉淪於海外。迹飄飄於轉蓬，情繚繞於懸旆。駭茲峽之殄怪，伫奇峯而矚矚。或邈迤而西成，乍崑崙而五曲。含照曜之銀燭，滌潺湲之膏玉。山蒼蒼以墜葉，樹索索而搖枝。澄碧源之見底，聳翠壁以臨危。

勞酒賦

在陽春之仲序，覽具物之芳菲。帥公卿而播百穀，親耒耜而命三推。開青壇於廻甸，列翠幕於清沂。乃遵執爵之典，爰降食苹之讌。豁朱鳥之

高牕啓黃龍之抗殿、奏帝鴻之萬舞、動鈞天之
九變、顧曲私之亭育、遞寒暑而徂遷、謬陳力而
策駘、豈酬恩於暮年、

山水納袍賦 有引

皇儲監國餘辰、勞謙終宴、有令以納袍降賜、何
以奉揚恩德、因題此賦、

濫時來之寵沐、振長纓以祗肅、奉性與之文章、
侍相娛之絲竹、解女蘿之山帶、佩流霞之羽服、
裁縫則萬壑縈體、鍼縷則千巖映目、圖島嶼之

削成、寫淪漣之徑復、埒符采於雕煥、竝芬芳於
蘭菊、憫四選之徂遷、軫百慮之廻遑、霜飛空而
浸霧、鴈照月而猜弦、聽風鐘之易近、對水雷之
疎懸、若董衣之百結、同衛服之十年、嗟斑鬢之
已颯、愧冶袖之爲妍、謝銜珠之有報、荷墜履之
無捐

華貂賦

有序

領軍新安殿下、以副貂垂錫、仰銘恩澤、謹題小

賦

貫豐貂於挹婁，飾惠文而見求。標侍臣之密設，曜毛采之溫柔。拜文槐而影度，陪武帳而香浮。隨玉珩之近遠，共金璫之去留。仰太山之千仞，開谷中之鄙俚。撤君子之寶飾，榮小人之蓬鬢。蔑置醴之殊私，誇賜田之薄潤。顧朽拙之微躬，早遊藝而不工。逢河間之好古，自隗始而恩隆。諒維鵜之有媿，庶懷昔而克終。

瑪瑙盃賦

翠羽流霞之杯，諒無聞於瑋麗。豈匹此之奇瓌，

爰覩殊特、臻自西國、狀驚鶴之點漬、似遊龍之
割刻、士衡譬之雲采、中郎羞其馬勒、於時北園
清夏、東閣浮涼、山交枝而影雜、水沉葉而流香、
蟬無風而引短、鷺出迥而飛長、副君海渟岳峙、
紙落金鏘、獲阿宗之美寶、命河朔之名觴、寶出
崑崙之仙臯、觴卽玄洲之玉酒、酒旣醉而還年、
盃稍酌而延壽、仰天縱之體物、銘猷器兮何有、

南越木槿賦

日及多名、蕤賓肇生、東方記乎夕死、郭璞贊以

朝榮潘文體其夏盛、稽賦憫其秋零、此則京華
之麗木、非于越之舜英、南中斬草、眾花之寶、雅
什未名、騷人失藻、雨來翠潤、露歇紅燥、疊萼疑
繁、低莖若倒、朝霞映日、殊未妍、珊瑚照水、定非
鮮、千葉芙蓉、詎相似、百枝燈花、復羞燃、暫欲寄
根對滄海、大願移華厠、綺錢井上桃、蟲難可雜、
庭中桂蠹、豈見憐、乃爲歌曰、啼妝梁冀婦、紅妝
蕩子家、若持花並笑、宜笑不勝花、趙女垂金珥、
燕姬插寶珈、誰知紅槿艷、無因寄狹邪、徒令萬

里道攀折自咨嗟

詔

舉士詔

堯施諫鼓、禹拜昌言、求之異等、久著前冊、舉以
滯淹、復聞昔典、斯乃治道之深規、帝王之切務、
朕以寡昧、丕承洪緒、未明虛已、日旰興懷、萬機
多紊、四聰弗達、思聞謇諤、採其默語、王公以下、
各薦所知、俯詢管庫、爰及輿皂、一介有能、片言
可用、朕親加聽覽、佇茲沃啓、

四根知味唯鮮習為之也

五根知味唯鮮習為之也

六根知味唯鮮習為之也

七根知味唯鮮習為之也

八根知味唯鮮習為之也

九根知味唯鮮習為之也

學士

品

表

讓尚書令表

臣弱歲立朝，本無奇志。每謂任登常伯，足承基緒。值梁季不造，收拙人間。東窺三江，南徂百越。不知秦漢十有七年，心迹退黜，平生畢矣。但野性疎懶，不屑怨憎。俯仰乖時，人物多忤。天飛踐祚，任寄隆重。謬以商邱之木，遂比舟楫之材。燕岱之石，混同瑚璉之器。當由崇賢使舉，早守名節。竊以天府文昌，萬方之藪。天官冢宰，無所不

統禮遵三獨事昭百揆曠職云久三十餘載一
旦開置必資望實豈期廷典私偏濫庸非薄陞
下聽覽餘辰曲垂昭納遂斯反汗高選具瞻則
敝蓋敝帷使臣暮齒歲制月制賒臣皎髮不以
一怠

讓尚書僕射表

藻鏡官方品才人物門驚如市不慚屋漏心抱
如冰無欺暗室但屢淹星鳥每知忝素世網拘
束事歸餽勉今此召會尤增據蒞竊以端揆副

職官稱師長，革履升降，傳呼寵赫，儀刑朝首，冠冕彛倫，兼復參總衡流，匡佐聖治，妄膺重責，必踐危機。

讓吏部尚書表

竊以漢置五曹，方今六尚，魏隆八凱，擬古六卿，近喻喉舌，遠膺樞斗，至如東京西晉，裴王仰首伸眉，可得論列此矣，但臣門基世縮，晉宋以來，內侍帷辰，入戶衡尺，或年甫將立，或歲未強仕，是以退思弱冠，追傷疇昔，早塵華任，見知名輩。

常謂忝竊匪朝伊夕豈期梁室多故有志無時
平生意氣颯爾零落特由邀奉嘉運千載一時
惟奮寵靈遂臻於此

爲沈君理讓僕射領吏部表

辛香以來安石以後遵其軌躅必大厦之棟梁
總其寄任亦巨川之舟楫未有綿力薄材輕膺
此舉

爲衡陽王讓吳郡表

芝泥馳印發命開函
穎之誠夏霜易實兢惶

之至春水可涉臨淄回軾卽事何取廣川無聲
頗知自匹

爲蕭太保謝儀同表

阪泉野戰曾無汗馬之勞代邸運籌又闕前戈
之勇薄伐專征早遊邊外執玉奉酎又虧朝則
主人降止朝冊遠臨奉述勅書曲停表奏滄波
阻夔旣杜敬仲之辭關路悠長致絕趙襄之讓
心馳紫路登文石而莫由目送白雲拜承明而
無日

謝敕給鼓吹表

畧尋近古、逖聽前事、王文憲匡佐革命、沈隱侯
經綸始運、騎吹之榮、猶難忝冒、以臣況此、實非
倫輩、豈可更崇文物、重假名器、高臺迢遞、未朱
夏而登臨、芳樹華滋、非青春而奏曲、

爲陳六宮謝表

鶴籥晨啓、雀釵曉映、恭承盛典、肅荷徽章、步動
雲桂、香飄霧縠、媿纏艷粉、無情拂鏡、愁縈巧黛
息意臨牕、妾聞漢水、贈珠人間、絕世洛川、拾翠

仙處無雙或有風流行雨窈窕初日聲高一笑
價起兩環乃可桂殿迎春蘭房侍寵借班姬之
扇未掩驚羞假蔡琰之文甯披懷戴

江令君集

卷一

三

章

爲陳六宮謝章

恭膺禮命，愧集丹縷之顏。拜奉曲私，愁縈暈羽
之色。魯宮夜火，伯媛匪驚。楚榭奔濤，貞姜何懼。
豈期日月騰影，風雲寫潤。乃復位崇九御，聲高
六列。象服增華，丹輶耀采。何以弼佐王風，克柔
陰化。兢惶竝集，追想流荇之詩。荷據相并，遂失
鳴環之節。

五言古詩

五言古詩一首

五言古詩一首

五言古詩一首

五言古詩一首

五言古詩一首

五言古詩一首

五言古詩一首

啓

上毛龜啓

臣聞聖王受命以代紹興日月精明之狀煙雲
爛漫之采神鼎出於汾陰寶玉開於張掖靈山
與澤卉木呈祉靜海澄波鱗介禔福靡不顯符
瑞以固鴻基肇徵祥以光永世者也影合四靈
光分五色懷星抱月負字銜圖

除尚書令斷表後啓

司會治本冢宰朝端摺紳所屬儀刑攸在皇代

以來無人則闕陛下將脩厥職用穆臣僚不容
始自庸菲以謹物議當今藩翰至戚不無其才
廊廟重臣亦有其器伏願檢俞往之則闡平章
之道臣浚心布欵有理存焉

除尚書令謝臺啓

竊以昔之冢司今日端揆頃同台衮無人則闕
臣之朽薄安可叨賁謹當奏承夜月冀奉三思
之旨聲寄浮雲方祈九天之路

謝宮爲製讓表啓

如攀珠樹徒仰照匣之輝若踐玉田不知照廡
之價芙蓉之水亟奉北園迷迭之文屬陪南館
久降嘯枯之旨許賜凌雲之筆清夜讌斯謂言
善戲黃金然諾竝遂殊寵年齊柏寢豈報恩榮
紙罄蘭臺未書悚戴

除太子詹事謝東宮啓

庇身修德濫迹端形陳蘿故葛攀附不涯解角
蛻鱗超踰非次方辭璽會覬收渥澤

江令君集

卷一

一四
三

序

自序

歷升清顯、備位朝列、不邀世利、不涉權幸、嘗撫躬仰天太息曰、莊青翟位至丞相、無迹可紀。趙元叔爲上計吏、光乎列傳。官陳以來、未嘗逢迎一物、干預一事、悠悠風塵、流俗之士、頗致怨憎。榮枯寵辱、不以介意。太建之世、權移羣小、譖嫉作威、屢被摧黜、奈何命也。後主昔在東朝、留意文藝、夙荷昭晉、恩紀契濶、嗣位之日、時寄謬隆。

儀形天府，釐正庶績，八法六典，無所不統。昔晉武帝策荀公曾曰：周之冢宰，今之尚書令也。況復才未半古，尸素若茲。晉太尉陸玩云：以我爲三公，知天下無人矣。軒冕倘來之一物，豈是預要乎？弱歲歸心釋教，年二十餘，入鍾山，就靈曜寺，則法師受菩薩戒，暮齒官陳，與攝山布上人遊，款深悟苦空，更復練戒，運善於心，行慈於物，頗知自勵，而不能蔬菲，尚染塵勞，以此負愧平生耳。

陶貞白先生集序

昔劉向通古今之學。馬融見天下之書。京房察風雨之占。裴楷曉陰陽之術。子政傷於簡易。季長敝於驕侈。君明逐不旋踵。公矩纔免極誅。鮮有盡美之迹。罕聞克終之譽。若夫德行博敏。孔室四科。經術深長。鄭門六藝。丹陽陶先生備斯矣。至如紫臺青簡。綠帙丹經。玉版秘文。瑤璫怪牒。靡不貫彼精微。殫其旨趣。蓋非常之絕伎。命世之異人焉。文集缺亡。未有編錄。門人補輯。若

逢遼東之本。好事研搜。如誦河西之篋。奉勅校
之。鈐墨緘以緹緇。藏彼鴻都。副在延閣。

碑

皇太子太學講碑

我、太、陳、之、御、天、下、若、水、渙、其、長、瀾、瑤、星、躔、其、永、
厯、重、華、誕、睿、興、於、大、鹿、之、野、敬、仲、繼、業、盛、矣、鳴、
鳳、之、占、兼、以、鴻、才、海、富、逸、思、泉、瀉、含、毫、落、紙、動、
八、閼、之、歌、謠、隻、句、片、言、諧、五、聲、之、節、奏、雲、飛、風、
起、追、壓、漢、帝、之、辭、高、觀、華、池、遠、跨、魏、王、之、什、爰、
復、建、藏、書、之、冊、開、獻、書、之、路、帷、帳、叢、殘、家、壁、遺、
逸、紫、臺、秘、典、綠、帙、奇、文、羽、陵、蠹、迹、嵩、山、落、簡、外、

史所掌廣內所司靡不飾以鉛槧雕以緇素此文教之修也

吳興郡廬陵王德政碑

卓爾吾王天人可擬早成夙智謙懷虛已偃息流畧翱翔文史三雍雅對九師名理好古如斯學兼之矣睢陽肇構碣石初開賜田待士膺道求材剖符彭國述職琅臺去謠曙鼓畱歌暮來攝山棲霞寺碑

蓋聞天有神宮地云靈府桑欽博記始叙四衢

之塔。金朔著經。因知千步之寺。至如峰形。饒累
岫勢。堂密。亦烏足言哉。南徐州琅邪郡江乘縣
界有攝山者。其狀似繖。亦名繖山。尹先生記曰。
山多草藥。可以攝養。故以攝爲名焉。南瞻舊落。
顧悌鎮戍之塢。北望荒村。扈謙卜筮之宅。此山
西南隅。有外道館地。俄而疫癘。磨滅三清遺法。
未明五怖之災。萬善開宗。遂變四禪之境。倏見
齊居士平原明僧紹。空解淵深。至理高妙。遺榮
軒冕。遁跡巖穴。宋泰始中。嘗遊此山。仍有終焉

之志、村民野老、競來諫曰、山多狼虎毒虵、所以
久絕行踐、僧紹曰、毒中之毒、無過三毒、忠信可
蹈水火、猛獸亦何能爲、乃刊木駕峰、薤草開逕、
披拂蓁梗、結構茅茨、廿許年、不事人世、渡河息
暴、擾篋無立、皆曰、誠至所感、有法度禪師、家本
黃龍、來遊白社、梵行殫苦、法性純備、與僧紹冥
契甚善、嘗於山舍、講無量壽經、中夜忽見金光
照室、光中如有臺館形像、豈知一念之間、人王
照其香蓋、八未曾有、淵石朗其夜室、居士遂捨

本宅欲成此寺卽齊永明七年正月三日度上人
之所構也。山情率易野製疎朴崖檐峻絕澗
戶幽深卉木滋榮四時助其雕綺煙霞舒卷五
色成其藻絢居士嘗夢此巘有如來光彩又因
閒居依稀目見昔寶海梵志。睡觀花臺智猛比
上。行逢影窟。故知神應非遠。靈相斯在居士有
懷創造俄而物故其第二子仲璋爲臨沂令克
荷先業莊嚴龕像首於西峯石壁與度禪師鑄
造無量壽佛坐身三丈一尺五寸通座四丈并

二菩薩倚高三丈三寸若乃圖寫瓌奇刻削宏
壯蓮花瑩目石鏡沉暉藕絲縈髮雲崖失彩項
日流影東方韜其大明面月馳光西照匿其成
鬼大同二年龕頂放光光色身相晃若炎山林
間樹下赭如火殿禪師自識終期欣瞻瑞應以
建武四年於此寺順寂豈非六和精進十念允
諧向沐寶池方登金地者也齊文惠太子豫章
文獻王竟陵文宣始安王等慧心開發信力明
悟各捨泉貝共成福業宋太宰江夏王霍姬薈

閨內德齊雍州刺史田與方牧貴臣深曉正見
妙識來果竝於此巖阿廣收財施琢磨巨石影
擬法身梁太尉臨川靖慧王道契真如心弘檀
密見此山製置疎濶功用稀少以天監十年八
月爰撤帑藏復加瑩飾續以丹青鏤之銑盪五
分照發千輪啓煥排天堂廡玉露分色接岫軒
墀翠微抽影八定之侶步纖草而揚梵三慧之
僧挹飛泉而動色喜園凝靜豈傲吏之凡遊深
谷虛立非愚公之俗路是以王公搢紳之輩郎

吏胥史之屬步林壑陟臯壤升精舍拜道場莫
不洗滌無明澣濯囂暗非直心之砥路孰能如
斯者乎慧振法師志業該練心力精確度上人
將就遷神深相付囑法師聿修厥緒勸助衆功
基業田園多所創置先有名德僧朗法師者去
鄉遼水問道京華清規挺出碩學精詣早成波
若之性夙植尸羅之本闡方等之指歸弘中道
之宗致北山之北南山之南不遊皇都將涉三
紀梁武皇帝能行四等善悟三空以法師累降

徵書確乎不拔天監十一年帝乃遣中寺釋僧
懷靈根寺釋慧今等十僧詣山諮受三論大義
賈誼曰學聖道如日之明孫卿云登高山知天
之峻今之探蹟其此之謂南蘭陵蕭曄幽棲抗
志獨法絕羣遁世茲山多历年所臨終遺言塋
法師墓側還符田豫託西門之冢更似梁鴻偶
要離之瘞又按神錄云楚靳神在今臨沂縣齊
永明初神詣法度道人受戒自通曰靳尚卽楚
大夫之靈也大同元年二月五日神又見形着

菩薩巾披袈裟閑雅甚都來入禪堂請寺眾說法崑嶺之中百神所在首陽之路八駟竝驅未有修淨戒之品詣得道之僧整忍辱之衣入安禪之室是知名山大澤靈異憑依者矣慧布法師幼落煩惱早出塵勞律儀明白貞節峻遠貫綜三乘不自媒衒楷模七眾無所詆訶曩日靜懃鍾巖余便觀止食仁飲德十有餘年頃於攝阜受持珠戒佩服之敬雖敢怠於斯須汲引之勞且曷伸於報効夫言意難盡鉛槧易凋固比

河山莫如金石，凡諸徵應，并預隨喜，竝勒於碑左，乃爲頌曰：

漫漫心火，冥冥世流，論生若寄，喻死如休。三
明未了，十智難周，盡纏癡愛，豈離瘡疣。敬仰鷄足，恭聞鷲頭，斯風可美，其路何由。我開梵宇，面壑臨邱，我圖靈跡，果植因修。兼金畫繪，泐石彫鏤，連雲出沒，泄雨浮沉。經行松磴，禪坐蕙樓，澗風長瀉，崖溜懸抽。花臺似雪，夏室疑秋，名僧宴息，勝侶薰修。三乘謂筏，六度爲舟，金幢合蓋，寶駕

驅輶地祇來格天眾追遊五時無爽七處相伴
辭題翠琰字勒銀鈎賢乎樂餌過客宜留

大莊嚴寺碑

蓋聞僧伽水濱波斯剎以禪地醍醐山頂含那
肇其梵域此乃往劫之勝因上方之妙範於是
俯察地勢懸之以水仰惟皇極揆之以日百堵
咸作千坊洞啓前望則紅塵四合見三市之盈
虛後睇則紫閣九重連雙闕之聳峭加以園習
歡喜水成功德池溢甘露不因玉掌樹搃音樂

無待金奏。薰爐夜藝。遙來海峴之香。法鼓晨謹。
非動泗濱之石。擢莖金表。跨八萬之俱成。界道
銀繩。面四衢而拓製。厠壁綴珠。凌丹霞而結宇。
雕光縷采。望紫極而開軒。俯看驚電。影徹琉璃。
之道。遙拖宛虹光。徧水精之域。層楹刻桷。風伯
走而未升。靈櫟飛薨。雨師攀而不逮。銘曰
灼爍金莖。崔嵬銀表。翔鶻仰翥。威鳳靈矯。木密
聯綿。香泥繚繞。日圖檐外。荷披棟杪。翠落陰虬。
珠填陽鳥。高僧累萃。願學茲多。弘宣方等。博綜

海公集 卷一
圍隄皆傷寸晷，竝悟尺波式旌鏤碣，無待雕戈，
標年刹土，比數恒河。

建初寺瓊法師碑

夫智慧精進，皆曰第一，妙德淨名，並稱不二，若
乃幹五欲之泥，解六情之網，禦寶車之跡，面香
城之路，荷持像法，汲引人倫，惟此法師，心力備
矣。東山北山之部，貫花散花之句，並編柳成簡，
題蒲就業，學非全朔，無待冬書，師夢尹儒，自知
龜駕銘曰。

屑屑人世、茫茫大千、欲流心火、意樹身田、老驚
靈籥孔、惜逝川、三空莫辯、二諦何詮、佛日初照、
慈雲不偏、秋露寂滅、莫繫悠然、

明慶寺尚禪師碑銘

百世之上、百世之下、含章隱璞、明真照假、空行
已無、希音和寡、不有耆德、誰其繼者、朗月靈懸、
高風獨寫、

江令君集卷二

陳濟南江 總著

明太倉張 溥閱

贊

香贊

海岼相傳、香流大千、不吹自轉、將銷更燃、縈空
雜霧散迥、飛煙還符戒品、薰修福田、

花贊

池中寶花、葉覆金沙、逆風氣亂、映水光斜、散田

天女賣乃王家若生心樹願結因牙

燈贊

寶燈夜開光遍花臺烟抽細燄燼落輕灰珠慙
色竝月耻光來一明暗室若遣塵埃

幡贊

金幡化成搖蕩相明留無定影散乃俱輕光分
紺殿采布香城恒知自轉福與之生

頌

莊周頌

玉潔蒙縣、蘭薰漆園、丹青可久、雅道斯存、夢中
化蝶、水外翔鯤、出俗靈府、師心妙門、垂竿自若、
重聘忘言、悠哉天地、共是籠樊、

江令君集

卷二

八

二

銘

永陽王齋後山亭銘

叢臺造日，溜館連雲。錦牆列績，繡地成文。吾王
卓爾，逸趣不羣。梅梁蕙閣，桂棟蘭枌。竹深蓋雨，
石暗迎暉。激流疑疏，構峰似削。苔滑危磴，藤攀
聳萼。樹影搖牕，池光動幕。月澄遙淑，風清近壑。
雪岍難消，花園易落。高桐百尺，垂楊五株。開榮
九畹，結秀三珠。山條紫的，水葉紅鬚。抽芳繞雷，
接翠分衢。亭謹旅鶴，浦澡驚鳧。前列枚馬，後招

申白諷誦楚詩精微沛易叢桂留賞散金匪惜
不羨睢陽還嗤碣石馳聲終古服義無斁

芳林園天淵池銘

有序

歲次執徐月維大呂爰命梓匠廣修畚鍤標置
舊趾開浚昔基東西彌望雲霧之所澄蕩南北
紆縈虹霓之所引曜曉川漾璧似日御之在河
宿夜浪浮金疑月輪之馳水府前瞰萬雉列榭
參差却拒三襲危巒聳峭瓌鳥異禽自學歌舞
神木靈卉不知搖落昔枚皮覽海序螭蛟之汎

濫吉甫臨舟。美檉松之蓊茸。尚復著在吟咏。緘
彼緹緇。况我君門。盛事未紀。謬頒待詔。謹製銘
云。
石溝溜密。蘭渚潮平。九華閣道。百丈層盈。液搖
殿色。殿寫波明。

立圃石室銘

僊巖石榻。僊宇石墻。地云正域。道示修羊。紫煙
碧露。絳雪玄霜。廣成不踐。王烈未翔。移華甲觀。
徙構震方。遠跨飛梁。俛臨倒景。瓊蘂珠樹。金階

玉井映日分暉、搖風共影、岫濃翠合、林虛桂靜、
朔去偷桃、董來貨杏、檐非刻削、戶恣登臨、迎春
花近、避暑涼深、秋雲卷闥、冬霰停陰、桐棲鳳采、
竹化龍吟、輕飛亂色、激溜成音、天縱儲睿、生知
作兩、絃誦餘隙、仁智爲賞、河曲停遊、洛濱息往、
祥梨吐秀、瑞燕流響、一物或鑄、萬國斯仰、

懷安寺刹下銘

四聰睿后、萬行了因、運光玉鏡、道茂金輪、爰構
靈刹、地迹重闔、迎風雲表、承露天津、飛薨巖嶭、

累棟嶙峋護持七衆警衛百神籌銷草木劫盡
沙塵支提永固福業恒新變易東海長久北辰
此鏡以照著衣鏡背圖刻八卦二十八宿仁壽
殿前無以加斯雕麗也

方鏡銘

有引

玄栲命巧仲呂呈祥金鐫石漢銅鑄丹陽價珍
負局影麗高堂圖星擬蓋寫卦隨方明齊水止
照與天長增輝鬼神永侍龍光

鐘銘

鳧氏之匠，狃陽之銅。圖欒鑄鑄，刻獸鐫蟲。聲飛
雲裏，韻切唇中。遙符玉律，遠雜金風。朝驚驚嶺，
夜動龍宮。冀憑慧業，冥感神功。百非洗蕩，萬善
昭通。長如五淨，永証三空。

又

篆間鐫刻，欒上雕鐫。聲齊法鼓，響逸鳴鍵。舟移
巨壑，火壞初禪。

優填像銘

如花譬像，若火疑龍。毫光此遇，法相今逢。眸雲

齒雪月貌金容大仙下降避席爲恭

哀策文

陳宣帝哀策文

望屢綽而攀標、拜龍鼓而慟絕、變五統而淒涼、
迴三辰而慘切、感川岳而地維傾、號窮蒼而天
柱折、千秋茂德、萬世鴻名、爰詔掌禮、式序英聲、
其辭曰、

嫺水樞宿、姚墟大虹、謳歌承厯、揖讓受終、重規
帝緒、踵武王風、名山紀迹、清廟傳功、我后丕承、
思弘祖業、莅政恭已、臨朝凝默、煥爛九功、歲粦

七德憲章昭著，威靈允塞，爰茲發迹，天步艱難，
連華勝衛，比譽應韓，羽儀戚右，軒冕朝端，祈膺
當璧繇顯，大橫延喜，授玉告善，飛旌神器，有奉
性道無名，詩頌唐年，樂舞姬日，仁聲汪濊，武義
洋溢，理訟總街，凝情衢室，巡望如禮，幽祇咸秩，
疆垂叛援，關徼虔劉，治兵丹浦，獲醜青邱，屠釣
且拔，管庫方搜，如龍駕鼓，獻雉焚裘，天必呈祥，
地寧愛寶，神禽奇獸，嘉穀靈草，屈軼抽階，飛黃
伏皂，綺雲舒慶，珠星照老，廣敷丘索，弘啓膠庠。

書林吐馥文固含鏘南洽侯衛北暢遐荒殷羅
自解周圍無傷金英掩色玉床弗豫天駟催鑣
王良失御鑄鼎奚益綴衣何處漫漫幽夜冥冥
上仙長違拜日失意祈年寧神卜兆晏駕廻天
銅麟感泣銀海埋田出德陽之廣殿動繁笳之
哀囀渡洛水之浮橋望偃師之近縣背紫陌而
未遠隱黃山而不見鐸啓挽而依依馬嘶風而
戀戀平原欲晦落照將垂鳳盖飄而水暗鸞蹕
聳而山危曳地旗之舒卷間翠野之參差鳥哀

哀而驚曙，松瑟瑟而吟枝，異故鄉之絲竹，非舊
宅之墳簾，掃秋葉而無盡，薦春櫻而願知，北邙
已謝，西陵何有，遠宿蒼梧，便乖仁壽，聲合韶濩，
道宣戶牖，共瀛海而恒流，竝嵩華而莫朽。

誄

梁故度支尚書陸君誄

君諱襄字師卿吳入也祖惠徹宋車騎府法曹
行參軍父閑揚州別駕齊永元紹曆蕭遙光謀
反伏誅閑以州職見害子絳其日并命忠孝之
道萃此一門襄時年十四號毀殆滅布衣蔬食
終於身世起家著作佐郎出爲永甯縣令累遷
臨川王廬陵王法曹外兵記室入爲太子洗馬
掌管記中書舍人管記如故爲丹陽尹丞俄遷

太子庶子掌管記、揚州治中、太子家令、領國子博士、管記如故。丁母顧夫人憂、廬乎墓所、服闋、又從家令轉中庶子、並掌管記、遷中散大夫、金華宮家令、出爲鄱陽內史、除尚書吏部郎、秘書監、領揚州、大中正度支尚書。太清二年三月、京師傾覆、君胤跡還鄉、吳民陸黯起義、民攻郡、擾攘之際、憂憤而終。春秋七十有二、余避世河滸、暫之吳國、百舍不容、千里無饋、陸公國士之眷、惠好之深、朝同飢粥、夕共瓢飲、契濶晤言、流連

晦朔日月逝矣。懷古何忘。臨哀能誅。久願搖筆。
時事屯邅。不遑削藁。梁季適越。未戢干戈。陳世。
入仕累牽。物役杼軸於懷。四十餘載。隋開皇九。
年。於長安致仕。懸車已泊。就木幾何。但東海成。
田。南冠永繫。龜山更促。空想吹笛之哀。馬角徒。
生。絕望通波之水。嗚呼哀哉。攬涕操觚。乃爲誄。
曰。

嫺苗碩茂。完裔繁昌。賓門穆穆。筮士鏘鏘。食采。
命氏。遐哉陸鄉。四昇臺省。八辟賢良。分柯振葉。

令聞令望，立茲朱鞮。翠弁金鎗，流聲世祀。列譖
祠堂，別駕貞烈。志存名教，捐生徇主。知死不撓，
暉映泉壤。痛此忠孝，於鑠夫子。積德累仁，韜光
戢耀。隱璞含真，居哀能痛。至情通神，淚枯隴樹。
哀感馴禽，求慟家禍。長號不辰，立黃絕睇。疏布
終身，心符屈姝。室等原貧，分甘共感。內族外姻，
求之今古。斯爲異人，月下奏章。螢前讀史，給紙
蘭臺。觀書洛市，強學待問。潤身爲已，結髮濯纓。
登朝入仕，昂昂逸驥。逐日千里，宛宛長離。陵江

迅起枳棘棲鳳化行乳雉平臺累陟石扇蹙履
跼伏不競焚絲自理綺席無譏師訓胄子驥足
時務俊民斯俟秋實選能春華備美思媚儲后
遊息承華書記策擢爵命增加彈基擊筑沉李
浮瓜追隨飛蓋侍從鳴笳二儀廻幹四氣淹賒
離景遽沉前星奄滅撫已惟舊懷恩守節昔荷
故臣攀號聲折登高能賦大夫就列金華式肇
更奉清切修竹貞松含霜抱雪下車軒日求瘼
康時良辰坐嘯朗夜卧治懸魚化靜佩犢去思

廣弘條教，精察毫釐，典選搜揚，操刀密勿，不棄
朱紫，傍無請謁，秘署學林，得人超忽，延閣綳素，
校文遺闕，工妙鉛槧，譽成朞月，鴈行攸序，龍作
簡木，讓珠不拜，賜劔恩來，帝曰俞往，爾行兼該，
金城失險，玉弩流災，年臻几杖，病息草萊，世故
天禍，臣悲主辱，露盡朝陽，風驚夜燭，黃鵠迢遙，
白駒何促，事迫歸魂，依然啓足，悠悠世路，辛苦
艱虞，尋戈滿道，暴骨交衢，家無半菽，地絕飛芻，
念君桑梓，零落凋枯，傷君井邑，孑戾崎嶇，喪亂

絕上葵藿荒蕪淒涼故友擗標遺孤臨穴外野
撫棺窮途嗚呼哀哉爲善豈懼修名難假德履
中和道周文雅不朽之迹非謂泉下疊疊清風
泠泠獨寫嗚呼哀哉

THE UNIVERSITY OF CHICAGO

墓誌銘

廣州刺史歐陽頎墓誌

公家習尚書少府儒高於漢冊世居渤海太守
文重乎晉原中原喪亂避地南徙公孝敬純深
友悌敦睦家積遺財並讓諸季兼調同壤公含
章內映遠識沉通室嗜欲謹言行資貞幹事廉
隅梁室不造凶羯憑陵公被銳執兇有志匡復
梁孝元帝授散騎常侍東衡州刺史始興縣侯
而犬戎弑逆宗社播遷陳纂揖讓攸歸高祖恩

加惟舊，授使持節都督南衡二十二州諸軍事。
廣州刺史，進爲開府儀同三司。山陽郡公，進號
征南將軍，加鼓吹一部。巫山遠曲，喧騎吹於日
南。芳樹清音，肅軍容於海截。追贈車騎將軍司
空。公涉獵六經，優游百氏，寬徭省賦，化百越之
歸心，撫寒投醪，感三軍之死力。在室如賓，甯慚
屋漏，不貪爲寶，每畏人知。殺青無兼，兩之疑蕙。
苾豈懷珠之謗，如羊如粟，不改夷齊之心。遺慶
流風，方留豹產之德。

特進光祿大夫徐孝穆墓銘

耕耘書圃、戈獵文揚、藻思綺合、尺牘繡揚、辭奔
太史、筆利干將、心緘武庫、口定雌黃、奉使巡採、
絕域遐深、市朝遷貿、陵谷相侵、形寄王績、名宣
攀附、高排閭闔、鬱轉雲路、年踰致仕、齒及懸車、
夜漏方盡、馳光復斜、平原出宿、庠序爲家、隴愁
宿霧、松悲閑鳥、地迫雲低、山重樹小、九原孤月
三泉送旌、疇曩行役、共上河梁、余因病免君事
遠將、痛心期之徂謝、憫時代之銷亡、冀鑄石於

玄冢留清風於故鄉

司農陳暄墓銘

其文散翫其筆縱橫背碑卽誦據馬俄成誹諧
見賞調笑忘情兩宮寵官四主恩榮萬事依息
一朝追送疇昔命觴文可吟諷今日酌酒長悲
且慟

中領軍魯廣達墓銘

災流淮海險失金湯時屯運極代革天亡爪牙
背義介冑無良獨標忠勇率禦有方誠貫皎日

氣勵嚴霜懷恩感報撫事何忘

侍中沈欽墓誌

早結南陽之親致興沛市之役四埏多難三江
屢梗君敦淳化以勵澆風庶滌清流以蕩濁俗
早邁紫雲萍濡碧海奮里閭之寵躍車馬之貴
哂竇氏之青山耻郭家之金穴

自漢之世世祗有漢之帝

漢之帝世祗有漢之帝

漢之帝世祗有漢之帝

漢之帝世祗有漢之帝

漢之帝世祗有漢之帝

文

羣臣請陳武帝讞文

某位某甲稽首和南十方三世一切諸佛十方
三世一切尊法十方三世一切賢聖見前大德
僧皇帝某菩薩睿哲聰明廣淵齊聖心若虛空
照窮般若發弘大誓荷負眾生神道會昌膺茲
景業百王旣季運屬艱難五嶽維塵六軍日動
劬勞在念有切皇心旣而深悟苦空極言無我
寶臺華柱本非實錄賊城樓櫓苦具茲多遂坐

道場靜居禪室堅固善本具足檀那石壁山河
珍車寶馬頭目髓腦妻子國城鑾輅龍章翠帳
玉几福德所感威惠所及莫不肅然大捨供養
三尊便欲拂衣崆峒高步六合到林間而宴坐
與釋衆而同遊紫微虛宮黃屋曠位上靈聳動
厚土怔惶弟子等身纏愛惑業構煩惱天生烝
民樹以司牧慄慄黔首非后罔戴豈容尊居萬
乘而伸獨往之情應在帝王而爲布衣之事且
蠻夷猾夏寇賊姦宄燧人警職日照甘泉之火

四郊多壘。未肆樓船之威。若使七聖遂迷。宵然汾水之上。八駿沃若。方在瑤池之濱。則天下何依。羣臣莫奉。宗社廟堂。有廢燹則。弟子不勝狼狽之切。謹捨如千錢。如千物。仰覲三寶。大眾奉贖。皇帝及諸王所捨。悉還本位。伏願十方三寶。見前大德僧。以慈悲力。用無礙心。坐道放光。顯揚宣說。勸喜和合。超然降許。當使皇帝望雲望日之姿。與南山等固。乃神乃聖之德。與北極同尊。中宮后妃之星。金禎玉幹之威。窮積善之慶。

盡萬歲之懽，玉鑾迴鑣，金門洞啓，百辟翹首，摺紳竝列，願塵勞與雲沴俱銷，億兆與天地同泰，慊慊丹愚，敢以死請，弟子某和南。

樂府

雉子斑

麥壠新秋來，澤雉屢裴回。
依花似協妬，拂草乍驚媒。
三春桃照李，二月柳爭梅。
暫住如臯路，當令巧笑開。

隴頭水二首

隴頭萬里外，天涯四面絕。
人將蓬共轉，水與啼俱咽。
驚湍自湧沸，古樹多摧折。
傳聞博望侯，苦辛提漢節。

海山集 卷二
霧暗山中日風驚隴上秋、徒傷幽咽響、不見東
西流、無期從此別、更度幾年幽、遙聞玉關道、望
入杳悠悠、

折楊柳

萬里音塵絕、千條楊柳結、不悟倡園花、遙同羌
嶺雪、春心自浩蕩、春樹聊攀折、共此依依情、無
奈年年別、

關山月

兔月半輪明、孤關一路平、無期從此別、復欲幾

年行映光書漢奏分影照胡兵，流落今如此長
戍受降城。

洛陽道二首

德陽穿洛水，伊闕邈河橋。仙舟李膺棹，小馬王
戎鑣。杏堂歌吹合，槐路風塵饒。綠珠含淚舞，孫
秀彊相邀。

小平路

一作臨

四達。長楸聽五鐘。玉節迎司隸。錦

車歸濯龍。弦歌聲不息，環珮響相從。花障蕩舟
笑日映下山逢。

長安道

翠蓋乘輕霧，金羈照落暉。
五侯新拜罷，七貴早朝歸。
轟轟紫陌上，藹藹紅塵飛。
日暮延平客，風花拂舞衣。

梅花落二首

縹色動風香，羅生枝已長。
妖姬墜馬髻，未插江南璫。
轉袖花紛落，春衣共有芳。
羞作秋胡婦，獨採城南桑。

胡地少春來，三年驚落梅。
偏疑粉蝶散，乍似雪

花開可憐香氣歇，可惜風相摧。金鏡且莫韻，玉
笛幸徘徊。

紫騮馬

春草正淒淒，蕩婦出空閨。識是東方騎，猶帶北
風嘶。揚鞭向柳市，細蹠上金堤。願君憐織素，殘
妝尚有啼。

驄馬驅

長城兵氣寒，飲馬詎爲難。暫解青絲轡，行歇縷
衢鞍。白登圍轉急，黃河凍不乾。萬里朝飛電，論

功易走丸、

雨雪曲

雨雪隔榆溪、從軍度隴西、遶障看狐迹、依山見
馬蹄、天寒旗彩壞、地暗鼓聲低、漫漫愁雲起、蒼
蒼別路迷、

劉生

劉生負意氣、長嘯且裴回、高

一作辯

論、明、秋、水、命、

賞陟春臺、干戈倜儻用、筆硯縱橫才、置驛無年、

限、遊俠四方來、

病婦行

窈窕懷貞室，風流挾琴婦。唯將角枕臥，自影啼
妝久。羞開翡翠帷，嬾對葡萄酒。深悲在縑素，託
意忘箕箒。夫婿府中趨，誰能大垂手。

置酒高殿上

三清傳旨酒，栢梁奉歡宴。霜雲動玉葉，凍水疎
金箭。羽籥響鐘石，流泉灌金殿。盛時不再得，光
景馳如電。

今日樂相樂

綺殿文雅適玳筵歡趣密鄭態逶迤舞齊絃窈窕瑟金壘送縹觴玉井沉朱實願此北堂宴長奉南山日

簫史曲

美玉秦家女簫史仙處童來時兔月滿去後鳳樓空密笑開還歛浮聲咽更通相期紅粉色飛向紫烟中

詠燕燕于飛應詔

二月春暉暉雙燕理毛衣銜花弄薔靡拂葉隱

芳菲或在堂間戲，多從幕上飛。若作仙人履，終向日南歸。

濟黃河

葱山淪外域，鹽澤隱遐方。兩源分際遠，九道派流長。未殫所聞見，無待驗詞章。留連嗟太史，惆悵踐黎陽。導波縈地節，一作脉疏氣耿天潢。憫周沈用寶，嘉晉肇爲梁。

橫吹曲

簫聲鳳臺曲，洞吹龍鍾管。鞞鞞漁陽摻，怨抑胡

筵斷

怨詩二首

採桑歸路河流深，憶昔相期柏樹林。
奈許新縑傷妾意，無由故劒動君心。

新梅嫩柳未障羞，情去恩移那可留。
團扇篋中言不分，拾遺作盡纖腰掌上詎勝愁。

烏棲曲

桃花春水水蘭橈，金羈翠蓋聚河橋。
隴西上計應行去，城南美人啼著曙。

東飛伯勞歌

南飛烏鵲北飛鴻，
美玉蘭香時會同。
誰家可憐出牕牖，
春心百媚勝楊柳。
銀牀金屋挂流蘇，
寶鏡玉釵橫珊瑚。
年時二八新紅臉，
宜笑宜歌羞更歛。
風花一去杳不歸，
祇爲無雙惜舞衣。

襍曲三首

行行春逕靡蕪綠，
織素那復解琴心。
乍愜南階悲綠草，
誰堪東陌怨黃金。
紅顏素月俱三五，
夫婿何在今追虜。
關山隴月春雪冰，
一作誰見人深

啼花照戶

殿內一處起金房。併

玉臺作便

勝餘人白玉堂珊瑚

挂鏡臨網戶芙蓉作帳照雕梁房櫳宛轉垂翠

幕佳麗逶迤隱珠箔風前花管颺難留舞處花

鈿低不落陽臺通夢太非真洛浦凌波復不新

曲中唯聞張女調

一作曲

定有同姓可憐人但願

私情賜斜領不願傍人相比竝妾門逢春自可

榮君面未秋何意冷

泰山言應可轉移新寵不信更參差合懽錦帶

鴛鴦鳥同心綺袖連理枝皎皎新秋明月開早
露飛螢暗裏來鯨燈落花殊未盡虬水銀箭莫
相催非是神女期河漢別有仙姬入吹臺未眠
解著同心結欲醉那堪連理杯後宮不愜茱萸
芳夜夜爭開蘇合房寶釵翠鬢還相似朱脣玉
面非一行新人未語言如澀新寵無前判不減
願奉更衣蘭麝氣恐君馬到自驚香

梅花落

臘月正月早驚春衆花未發梅花新可憐芬芳

臨玉臺、朝攀晚折、還復開。長安少年多輕薄、兩
兩共唱梅花落。滿酌金卮催玉柱、落梅樹下宜
歌舞。金谷萬株連綺薨、梅花密處藏嬌鶯。桃李
佳人欲相照、摘葉一作藥牽花來竝笑。楊柳條青
樓上輕、梅花色白雪中明。橫笛短簫淒復切、誰
知柏梁聲不絕。

宛轉歌

七夕天河白露明、八月濤水秋風驚。樓中恒聞
哀響曲、塘上復有辛苦行。不解何意悲秋氣、直

置無秋悲自生不怨前階促織鳴偏愁別路擣
衣聲別燕差池自有返離蟬寂寞詎含情雲聚
懷清四望臺月冷相思九重觀欲題芍藥詩不
成來採芙蓉花已散金樽送曲韓娥起玉柱調
絃楚妃歎翠睂結恨不復開寶鬢迎秋度前亂
湘妃拭淚灑貞筠莢藥浣衣何處人步步香飛
金薄履盈盈扇掩珊瑚脣已言採桑期陌上復
能解佩就江濱競入華堂要花枕爭開羽帳奉
華茵不惜獨眠前下釣欲許便作後來薪後來

暝暝同玉牀，可憐顏色無比方。誰能巧笑特窺井，乍取新聲學繞梁。宿處留嬌墮黃珥，鏡前含笑弄明璫。菴菴摘心心不盡，茱萸折葉葉更芳。已聞能歌洞簫賦，詎是故愛邯鄲倡。

閨怨篇

寂寂青樓大道邊，紛紛白雪綺牕前。池上鴛鴦不獨自，帳中蘇合還空然。屏風有意障明月，燈火無情照獨眠。遼西水凍春應少，薊北鴻來路幾千。願君關山及早度，念妾桃李片時妍。

又蜘蛛作絲滿帳中芳草結葉當行路紅臉脈脈一生啼黃鳥飛飛有時度故人雖故昔經新新人雖新復應故

姬人怨

天○寒○海○水○慣○相○知○空○牀○明○月○不○相○宜○庭○中○芳○桂○
樵○悴○葉○井○上○疎○桐○零○落○枝○寒○燈○作○花○羞○夜○短○霜○
鴈○多○情○恒○結○伴○非○爲○隴○水○望○秦○川○直○置○思○君○腸○
自○斷○

姮人怨服散篇

薄命夫婿好神仙，逆愁高飛向紫烟。
金丹欲成猶百鍊，玉酒新熟幾千年。
妾家邯鄲好輕薄，特忿仙童一丸藥。
自悲行處綠苔生，何悟啼多紅粉落。
莫輕小婦狎春風，羅襪也得步河宮。
雲車欲駕應相待，羽衣未去幸須同。
不學簫史還樓上，會逐姮娥戲月中。

長相思二首

襍言

長相思久離別，征夫去遠芳音滅。
湘水深，隴頭

咽紅羅斗帳裏，綠綺清絃絕。迤迤百尺樓，愁思
三秋結。

長相思，久別離。春風送燕入簷窺，暗開脂粉美。
花枝紅樓千愁色，玉筯兩行垂。心心不相照，望
望何由知。

詩

秋日侍宴婁苑湖應詔

以下
五言

翠渚還鑾輅，瑤池命羽觴。
千門響雲蹕，四澤動
榮光。玉軸昆池浪，金舟太液張。
虹旗照島嶼，鳳蓋繞林塘。
野靜重陰濶，淮秋水氣涼。
霧開樓闕近，日迴烟波長。
洛宴諒斯在，鎬飲詎能方。
朽劣叨榮遇，簪笏奉周行。

侍宴立武觀

詰曉三春暮，新雨百花朝。
星宮移渡罕，天駟動

江令君集 卷二
行鑣旆、轉蒼龍、闕塵飛、飲馬橋、翠觀迎斜照、丹
樓望落潮、鳥聲雲裏出、樹影浪中搖、歌吟奉天
詠、未必待聞韶、

宴樂脩堂應令

肅城通甲觀、承華啓畫堂、北宮降恩賞、西園度
羽觴、殊私奉玉裕、終宴在金房、庭暉連樹彩、簷
影接雲光、仙如伊水駕、樂似洞庭張、彈絲命琴
瑟、吹竹動笙簧、庸疎濫應阮、哀朽惡連章、

三日侍宴宣猷堂曲水

上巳娛春禊芳辰喜月離北宮命簫鼓南館列
旌麾繡柱擎飛閣雕軒俯曲池醉魚沉遠岫浮
棗漾清漪落花懸度影飛絮不礙枝樹動丹樓
出山斜翠磴危禮周羽爵遍樂闋光陰移

秋日遊昆明池

靈沼蕭條望遊人意緒多終南雲影落渭北雨
聲過蟬噪金隄柳鷺飲石鯨波珠來照似月織
處寫成河此時一作詎知臨水歎非復採蓮歌

秋日登廣州城南樓

秋城韻晚笛危榭引清

一作淒

風遠氣疑埋劒驚

禽似避弓海樹一邊出山雲四面通野火初烟
細新月半輪空塞外離羣客顏鬢早如蓬徒懷
建鄴水復想洛陽宮不及孤飛鴈獨在上林中

贈洗馬袁朗別

賈誼登朝日終軍對奏年校文升廣內撫劍八
崇賢奇才殊艷逸將別更留連驅車命饒管拱
坐面林泉池寒稍下鴈木落久無蟬露浸山扉
月霜開石路烟高談無與慰遲爾報華篇

詒孔中丞奐

我行五嶺表、辭鄉二十年、聞鶯欲動詠、披霧卽
依然、疇昔同寮案、今隨年代改、借問藏書處、唯
君故人在、故人名宦高、霜簡肅權豪、誰知懷九
歎、徒然泣二毛、步出東郊望、心游江海上、遇物
便今古、何爲不惆悵、初晴原野開、宿雨潤條枚、
叢花曙後發、一鳥霧中來、淹留蘭蕙苑、吟嘯芳
菲晚、忘懷靜躁間、自覺風塵遠、白社聊可依、青
山乍採薇、鍾牙乃得性、語默豈同歸、

贈賀左丞蕭舍人

輶軒通八表，旌節驚三秦。聽歌酬敏對，繼好佇
行人。賀生思沉鬱，蕭弟學紛綸。其有筆端譽，皆
爲席上珍。離羣徒悄悄，征旅日駢駢。黃河分太
史，一曲悲千里。海內平生親，中朝流寓士。痛哉
憫梁祚，于焉三十祀。鍾儀繫不歸，盛憲悲何已。
隴頭心斷絕，爾爲參生死。回首望長安，猶知蜀
道難。函關分地軸，華嶽接天壇。行旌方境逝，去
棹艤江干。蘆花霜外白，楓葉水前丹。翔鷗方怯

東落鴈不勝彈輝輝盛王道時務嬰疲老九流
倦耳日十年變懷抱何以敦岐路淒然綴辭藻
江南有桂枝塞北無萱草斗酒未爲別垂堂深
自保

遇長安使寄裴尚書

傳聞合浦葉遠向洛陽飛北風尚嘶馬南冠獨
不歸去雲目徒送離琴手自揮秋蓬失處所春
草屢芳菲太息關山月風塵客子衣

別南海賓化侯

石關通越井，蒲澗邇靈洲。此地何遼負，羣英逐
遠遊。高才袁彥伯，令譽許文休。悠焉值君子，復
此映芳猷。嶠函多險澁，星琯壯環周。分岐泣世
道，念別傷邊秋。斷山時結霧，平海若無流。驚鷺
一羣起，哀猿數處愁。是日送歸客，爲情自可求。
終謝能鳴鴈，還同不繫舟。其如江海泣，惆悵徒
離憂。

庚寅年二月十二日遊虎邱山精舍

縱棹憐迴曲，尋山靜見聞。每從芳杜性，須與俗

人分貝塔涵流動花臺偏領芬蒙龍出簷桂散
漫繞牕雲情幽豈徇物志遠易驚羣何由狎魚
鳥不願屈玄纁

入龍邱巖精舍

法堂猶集鴈仙竹幾成龍聊承丹桂馥遠視白
雲峯風牕穿石竇月牖拂霜松暗谷留征鳥空
林徹夜鐘陰崖未辨色疊樹豈知重溘此哀時
命吁嗟世不容無由訪詹尹何去復何從

明慶寺

十五詩書日六十軒冕年名山極厯覽勝地殊
留連幽厓聳絕壁洞穴瀉飛泉金河知證果石
室乃安禪夜梵聞三界朝香徹九天山階步皎
月澗戶聽涼蟬市朝霑草露淮海作桑田何言
望鍾嶺更復切秦川

入攝山棲霞寺

有序

壬寅年十月十八日入攝山棲霞寺登岸極
峭頗暢懷抱至德元年癸卯十月二十六日
又再遊此寺布法司施菩薩戒甲辰年十月

二十五日奉送金像還山限以時務不得恣
情淹留乙巳年十一月十六日更獲拜禮仍
停山中宿永夜留連棲神悚聽但交臂不停
薪指俄謝率製此篇以記卽目俾後來賞者

知余山志

淨心抱冰雪暮齒逼桑榆太息波川迅悲哉人
世拘歲華皆採穫冬晚共嚴枯濯流濟八水開
襟入四衢茲山靈妙合當與天地俱石瀨乍深
淺崖烟逝有無缺碑橫古隧盤木臥荒塗行行

備履歷步步麟

一作麟

威紆高僧迹共遠勝地心

相符樵隱各有得丹青獨不渝遺風佇芳桂比
德喻生芻寄言長往客悽然傷鄙夫

遊攝山棲霞寺

有序

禎明元年太歲丁未四月十九日癸亥入攝
山展慧布法師憶謝靈運集還故山入石壁
中尋曇隆道人。有詩一百十一韻。今此拙作。
仍學康樂之體。

霖霖時雨霽清和孟夏肇棲宿綠野中登頓丹

霞杪敬仰高人德。抗志塵物表。三空豁已悟。萬
有一何小。始從情所寄。冥期諒不少。荷衣步林
泉。麥氣涼昏曉。乘風面泠泠。候月臨皎皎。烟崖
憩古石。雲路排征鳥。披逕憐森沉。攀條惜杳裊。
平生忘是非。朽謝豈矜矯。五淨自此涉。六塵庶
無擾。

攝山棲霞寺山房夜坐簡徐祭酒周尚書
并同遊羣彥

澡身事珠戒。非是學金丹。月磴時橫枕。雲崖宿

解鞍梵宇調心易，禪庭數息難。石澗水流靜山。
牕葉去寒君思北闕，駕我惜東都冠。翻愁夜鐘
盡，同志不盤桓。

靜臥棲霞寺房望徐祭酒

絕俗俗無侶，修心心自齋。連崖夕氣合，虛宇宿
雲霾。臥藤新接戶，欹石久成階。樹聲非有意，禽
戲似忘懷。故人市朝狎，心期林壑乖。唯憐對芳
杜，何以爲吾儕。

營涅槃懺還塗作

有序

禎明二年仲冬攝山棲霞寺布法師只爾待
終余以此月十七日宿昔入山仰爲師氏營
涅槃懺還途有此作

可否同一貫生死亦一條況期滅盡者豈是俗
中要人道離羣愴冥期出世遙留連入澗曲宿
昔陟巖椒石溜冰便斷松霜日自銷向崖雲
黻出谷霧飄颻勿言無大隱歸來卽市朝

至德二年十一月十二日升德施山齋三

宿決定罪福懺悔詩

四知無矯志，二施啓幽心。簡通避人物，偃息還
山林。曲澗停騶響，交枝落幔陰。池臺聚凍雪，欄
牖噪歸禽。石彩無新故，峯形詎古今。大車何杳
杳，奔馬遂駸駸。何以修六念，虔誠在一音。未泛
慈舟遠，徒令願海深。

詠採甘露應詔

祥露曉氛氲，上林朝晃朗。千行珠樹出，萬葉瓊
枝長。徐輪動仙駕，清宴畱神賞。丹水波濤汎，黃
山烟霧上。風亭翠旆開，雲殿朱絃響。徒知恩禮

浴自憐名實爽

借陸太常說文

劉蔡慕子雲、許慎詢景伯、碩學該蟲篆、奇文秀
鳥跡、曰余徒下帷待問、垂重席不詣、王充市聊
投班、玩籍三寫、徧鑽研、六書多補益、幽居服藥
餌、山宇生虛白、留連嗣芳杜、曠蕩依泉石、夫君
愛滿堂、願言馳下澤、

賦得一日成三賦應令

副君睿賞適、清夜北園遊、下筆成三賦、傳觴對

九秋飛文綺縠采落紙波濤流樹密寒蟬響簷
暗雀聲愁綠淑明層殿青山照近樓此時盛禮
物顧省良若拙

攝官梁小廟

梁有小廟太祖太夫人廟也非嫡故別
立廟侯景寇建鄴詔以總權兼太常卿
守小廟

疇昔遊依所今日薦櫻時憲章誠有革歲月遂
難思故人獨之子官聯更在茲虛簷靜暮雀洞
戶映光絲平生復能幾語事必傷悲

卞山楚廟

蘋藻祈明德，倚棹息岩阿。
忽聽晨鷄曙，非復楚宮歌。
間階薶宿薺，古木斷懸蘿。
帷堂寂易晚，桴鼓自相和。
盛祀流百世，英威定幾何。

山庭春日

一作休沐山庭

洗沐惟五日，棲遲在一邱。
一作對古植橫近澗，危

石聳前洲。岸綠開河柳，池紅照海榴。
野、花、甯、待、晦、山、蟲、詎、識、秋、
人生復能幾，夜燭非長游。

七夕

六朝聲偶作柳顓言者非

詩

漢曲天榆冷、河邊月桂秋、婉變期今夕、飄飄渡
淺流、輪隨列宿動、一作轉路逐彩雲浮、橫波翻瀉
淚、束素反緘愁、此時機杼息、獨向紅粧羞、

南還尋草市宅

紅顏辭鞏洛、白首入轅轅、乘春行故里、徐步采
芳蓀、逕毀悲求仲、林殘憶巨源、見桐猶識井、看
柳尚知門、花落空難遍、鶯啼靜易諠、無人訪語
默、何處叙寒溫、百年獨如此、傷心豈復論、

和張記室源傷往

一作傷
佳人

小婦當壚夜，夫壻凱歸年。正歌千里曲，翻入九重泉。機中未斷素，瑟上本留絃。空帳臨牕掩，孤燈向壁然。還悲寒隴曙，松短未生烟。

在陳旦解醒共哭顧舍人

一作傷顧野王

獨酌一樽酒，高詠七哀詩。何言蒿里別，非復竹林期。堦荒鄭公草，戶闌董生帷。人隨暮一作朝落客共晚，鶯悲年髮兩如此。傷心詎一作獨幾時。

侍宴臨芳殿

六朝聲偶作柳顧言者非

鍾箭自

且一作

徘徊皇堂薦羽杯，橋平疑水落石。

迥見山開林前暝色靜花處近香來西嶺傷撫
夕北閣濫游陪

侍宴瑤泉殿

水亭通枌詣石路接堂皇野花不識采旅竹本
無行雀驚疑欲曙蟬噪似含涼何言金殿側亟
奉瑤池觴

別袁昌州二首

河梁望隴頭分手路悠悠徂年若驚電別日欲
成秋黃鵠飛飛遠青山去去愁不言雲雨散更

似東西流

客子歎途窮、此別異西東、關山嗟墜葉、岐路憫
征蓬、別鶴聲聲遠、愁雲處處同、

經始興廣果寺題愷法師山房

息舟候香埠、悵別在寒林、竹近交枝亂、山長絕
逕深、輕飛人定影、落照有疎陰、不見投雲狀、空
留折桂心、

和衡陽殿下高樓看妓

起樓侵碧漢、初日照紅妝、絃心艷卓女、曲誤動

周郎並歌時轉黛、息舞暫分香、挂纓銀燭下、莫笑玉釵長

賦得空閨怨

蕩妻怨獨守、盧姬傷獨居、瑟上調絃落、機中織素餘、自羞淚無燥、翻覺夢成虛、復嗟長信閣、寂寂往來疎

并州羊腸坂

三春別帝鄉、五月度羊腸、本畏車輪折、翻嗟馬骨傷、驚風起朔鴈、落照盡胡桑、關山定何許、徒

御慘悲涼

歲暮還宅

悵然想泉石、驅駕出城臺、翫竹、春前、筍、驚花、雪、
後、梅、青山殊可對、黃卷復時開、長繩豈繫日、濁
酒傾一杯、

春夜山庭

春夜芳時晚、幽庭野氣深、山疑刻削、意樹接縱、
橫、陰戶對忘憂草、池驚旅浴禽、樽中良得性、物
外知余心、

夏日還山庭

獨於幽棲地、山庭暗女蘿、澗清長低篠、池開半、
卷荷、野花朝暝落、盤根歲月多、停樽無賞慰狎、
鳥自經過

賦得謁帝承明廬

霧開仁壽殿、雲繞承明廬、輪停紺幃引馬度、紅、
塵餘香貂拜黻、袞花綬拂玄除、謁帝升清漢、何、
殊入紫虛

賦得攜手上河梁應詔

早秋天氣涼，分手關山長。雲愁數處黑，木落幾
枝黃。鳥歸猶識路，流去不知鄉。秦川心斷絕，何
悟是河梁。

賦得汎汎水中鳧

歸鳧沸卉同，亂下芳塘中。出沒時銜藻，飛鳴忽
颺風。浮深或不息，戲廣若乘空。春鸚徒有賦，還
笑在金籠。

賦得三五明月滿

三五兔輝成，浮陰冷復輕。隻輪非戰反，團扇少

歌聲雲前來、往色水上動、搖明、況復高樓照、何
嗟攬不盈、

衡州九日

秋日正淒淒、茅茨復蕭瑟、姬人薦初醞、幼子問、
殘疾園菊抱黃華、庭榴割珠實、聊以著書情、暫
遣他鄉日、

賦詠得琴

可憐嶧陽木、雕爲綠綺琴、田文垂睫淚、卓女弄
絃心、戲鶴聞應舞、游魚聽不沉、楚妃幸勿歎、此

異邱中吟一作音

詠雙闕

象闕連馳道、天

一作月

宇照方疏、刻鳳棲清漢、圖

龍入紫虛、屢逢膏露灑、幾遇祥烟初、競言百尺

麗甯方萬丈餘、

三善殿夜望山燈

六朝聲偶作柳顧言者非

百花疑吐夜、四照似含春、的的連星出、亭亭向

月新、採珠非合浦、贈珮異江濱、若任扶桑路、堪

言竝日輪

奉和東宮經故妃舊殿

故殿看看冷、空階步步悲、猶憶窺牕處、還如解
苔生無意早、燕入有言遲、若令歸就月、照
見不須疑

佩時同庾信、答林法師

藝文作周弘正非

客行七十歲、歲暮遠徂征、塞雲凝不解、隴水凍
無聲、君看日遠近、爲忖長安城

詠李

嘉樹春風早、春風花落新、但見成蹊處、幾得正

冠人當知露井側，復與天桃鄰。

詠蟬

白露涼風吹，朱明落照移。
鳴條噪林柳，流響遍臺池。
村聲如易得，尋忽却難知。

答王筠早朝守建陽門開

金兔猶懸臆，銅龍欲啓扉。
三條息行火，百雉照初暉。
御溝槐影出，仙掌露光晞。
闕

侍宴賦得起坐彈鳴琴

絲傳園客意，曲奏楚妃情。
罕有知音者，空勞流

水聲

別永新侯

詩彙作張
正見者非

送君張掖郡，分悲函谷關。
欲知腸斷絕，浮雲去不還。

春日

水苔宜溜色，山櫻助落暉。
浴鳥沉還戲，飄花度不歸。

於長安歸還揚州九月九日行薇山亭賦

韻

心逐南雲逝形隨北鴈來故鄉籬下菊今日幾
花開

哭魯廣達

南史曰廣達陳之良將也至德二年爲
侍中中領軍賀若弼進軍鍾山廣達力
戰及韓擒虎乘勝破宮城廣德被執入
隋以憤慨卒江總撫柩慟哭題其棺曰
黃泉雖抱恨白日自留名悲君感義死不作負
恩生

秋日新寵美人應令

以下
七言

俊宮唯聞莫瓊樹絕世復有宋容華皆自爭名

進女弟。定覺雙飛勝蕩家。願並迎春比翼燕。常
作照日同心花。聞道艷歌時易調。忖許新恩那
久要。翠眉未畫自生愁。玉臉含啼還似笑。角枕
千嬌薦芬香。若使琴心一曲奏。幽蘭度曲不可
終。陽臺夢裏自應通。秋樹相思一枝綠。爲挿賤
妾兩鬟中。

新入姬人應令

洛浦流風漾淇水。秦樓初日度陽臺。玉軼輕輪
五香散。金燈夜火百花開。非是妖姬度江日。定

言神女隔河來來時向月別姮娥別時清吹悲
簫史數錢拾翠爭佳麗拂紅點黛何相似本持
纖腰惑楚宮暫迴舞袖驚吳市新人羽帳挂流
蘇故人網戶織蜘蛛梅花柳色春難遍情來春
去在須臾不用庭中賦綠草但願思著美明珠

內殿賦新詩

兔影脉脉照金鋪虬水滴滴瀉玉壺綺翼雕甍

邇清漢虹梁紫

一作桂

柱麗黃圖風高暗綠凋殘

柳雨駛芳紅濕晚芙三五二八佳年少百萬千

金買歌笑。徧著故人織素詩。願奏秦聲采蓮調。
織女今夕渡銀河。當見新秋停玉梭。

本傳

江總字總持，濟南考城人也。晉散騎常侍統之
十世孫。五世祖湛，宋左光祿大夫、開府儀同三
司、忠簡公。祖禧，梁光祿大夫，有名當代。父紇，本
州迎主簿，少居父憂，以毀卒。在梁書孝行傳。總
七歲而孤，依於外氏。幼聰敏，有至性。舅吳平光
侯蕭勸名重當時，特所鍾愛，嘗謂總曰：「爾操行
殊異，神采英拔，後之知名，當出吾右。」及長，篤學
有辭采。家傳賜書數千卷，總晝夜尋讀，未嘗輟。

手年十八解褐宣惠武陵王府法曹參軍中權
將軍丹陽尹何敬容開府置佐史並以貴胄充
之仍除敬容府主簿遷尚書殿中郎梁武帝撰
五言始畢製述懷詩總預同此作帝覽總詩深
見嗟賞仍轉侍郎尚書僕射范陽張纘度支尚
書琅邪王筠都官尚書南陽劉之遴並高才碩
學總時年少有名纘等雅相推重爲忘年友會
遷太子洗馬又出爲臨安令還爲中軍宣城王
府限內錄事參軍轉太子中舍人及魏國通好


勅以總及徐陵攝官報聘。總以疾不行。侯景寇
京都，詔以總權兼太常卿，守小廟、臺城。陷，總避
難崎嶇，累年至會稽郡，憩於龍華寺，乃製修心
賦，略序時事。總第九舅蕭勃先據廣州，總又自
會稽往依焉。梁元帝平侯景，徵總爲明威將軍，
始興內史，以郡秩米八百斛，給總行裝。會江陵
陷，遂不行。總自此流寓嶺南，積歲。天嘉四年，以
中書侍郎徵還朝，直侍中省，累遷司徒右長史，
掌東宮管記，給事黃門侍郎，領南徐州大中正。

授太子中庶子、通直散騎常侍、東宮中正如故、遷左民尚書、轉太子詹事、中正如故、以與太子爲長夜之飲、養良娣陳氏爲女、太子微行、總舍上怒、免之、尋爲侍中、領左驍騎將軍、復爲左民尚書、領左軍將軍、未拜、又以公事免、尋起爲散騎常侍、明烈將軍、司徒左長史、遷太常卿、後主卽位、除祠部尚書、又領左驍騎將軍、參掌選事、轉散騎常侍、吏部尚書、尋遷尚書僕射、參掌如故、至德四年、加宣惠將軍、量置佐史、尋授尚書

令給鼓吹一部，加扶餘竝如故。禎明二年，進號中權將軍。京城陷，入隋，爲上開府。開皇十四年卒於江都。時年七十六。總篤行義，寬和溫裕，好學，能屬文於五言七言，尤善。然傷於浮艷，故爲後主所愛幸。多有側篇好事者，相傳諷玩。于今不絕。後主之世，總當權宰，不持事務，但日與後主遊宴後庭。其陳暄、孔範、王瑗等十餘人，當時謂之狎客。繇是國政日頽，綱紀不立。有言之者，輒以罪斥之。君臣昏亂，以至於滅。有文集三十

卷竝行於世焉

江令君集終



29